

QVÆSTIO MEDICA

Quodlibetariis disputationibus manè discutienda in Scholis Medicorum, die Jovis 2. Januarii.

M. PHILIPPO TOURBIER, Doctore Medico, Præside.

An sanguineus, sensus acutiores?

OMNIUM animantium, quæ naturæ legi, & imperio subdita jacent, homine nullum perfectius, cui celestes igniculos, summus rerum artifex, & semina divinitatis insculpsit. Illius & cæterorum animantium ortus, toto cælo discrepant; illis cum semine traduces animæ sedes sibi fingunt, & adomant; homini verò, semen, ab omnibus corporis partibus deciduum circa trigessimum à conceptu diem, animam cælitus insulam excipit, quæ non in cerebro, non in corde tantum sedem fixit, sed & minimas quasque particulas informat quibus ita jungitur & eo nexu unitur corpori, ut suos sibi vicissim affectus communicent: Hinc mens sana in corpore sano, ut formam omnium nobilissimam, sic temperatum corpus suis moribus, & actionibus aptissimum nactus est homo, nec ineptè cæterarum rerum index & mensura dicitur, quamvis enim diversis generis partibus constet, ex mutua tamen illarum contemperazione & mutuo concentu, per spiritus, & humores, unum totius temperamentum ad justitiam resultat, adeo ut pars unaquæque suis actionibus edendis commodam adepta sit temperiem; ut cæteris animantibus actionum perfectione præstat, sic & temperamento, ex cujus varietate, animorum, & acuminis sensuum, omne discrimen dependet.

ANIMA, prima naturalis, & organici corporis perfectio, temperatum corpus adepta, probè suis omnibus fungitur actionibus, inter homines temperatus ille dicitur, & perfectus, qui εὐταρχει, quadratus & succi plenus existit, qui laudabilem habet partium similitudinem temperiem, organicarum justam & concinnam coagmentationem, utrumque commodam & naturalem unionem, cui meliore luto finxit præcordia Titan: has naturæ dores possidet sanguineus qui sensum sive interiorum, sive exteriorum, multâ felicitate præ cæteris gaudet: Quemadmodum ex quovis ligno non fit Mercurius, ita nec ex quovis temperamento, sensuum acumen, & ingenium elucescit, non omnium temperamentorum unus idemque modus, illorum infinitus pendè numerus est, undè tot & ita diversæ hominum proprietates exurgunt, & naturæ, quarum notionem in rebus medicis non exigui momenti censet Galenus: Inter hæc quod medium, instrumentum est animæ perfectissimum, ac velut in circulo centrum, ex quo feliciores corporis, & animi sensus exurgunt, in hoc medio, cognoscens anima, in cerebro, tanquam in arce penitus insidens, haustarum rerum imagines sensibus externis deportatas excipit aqua rerum judex, & æstimatrix; somnus & vigiliæ communis sensus affectu felicius exercentur, quam somnus dulcis temperatorum artus occupat.

SENSUS externi quinque numerantur, interioris veluti satellites, organis, objectis inter se discrepant, duo necessitatis, vitæ commodioris reliqui tres, ad elementa revocantur; visus sensuum exteriorum nobilissimus actionis perfectio, cæteros antecellit, speciebus admixtis, & emissis spiritibus editus, æqueus, olfactus, quo multis animantibus vincitur homo (ab ea quam habet cum aromis igneis similitudine, censetur igneus, hujus sensus organa, sunt mammillares processus in anteriore cerebri parte collocati, à nervis non absimiles; auditus discipline sensus, æreus, cujus instrumentum aer, in ima auris cavitare reconditus, gustus & tactus terrestris, tactus per universum corpus diffusus, cujus est instrumentum cutis, tactuum differentias fideliter referens, ejus in sanguineis mollioribus cum raritate conjuncta, ut exquisiti temperamenti effectus, sic & index, in vola manus præsertim, homini propter prudentiam non concessa; ut ex ungue leonem, sic ex manu hominem, inutilis ideo Cheiromantia. Biliofus siccior cutis & asperior, obtusior sensum denotat, & duræ per brachia eorum setæ promittunt atrocem animum; Melancholicorum, frigidior & siccior, rerum objectarum mendacior internuntia; pituitosorum frigidior & humidior, omnis ferè sensus expertus est; æqueus rerum judex debet esse *ἀνίστημι*.

NÆ, suam in respondendo alacritatem, expeditam in dicendo suavitatem, in exercendo dexteritatem, cæteris prætulit biliofus, suæque quibus valent corporis & animi bona, eo namque rapiuntur aliquando temperaturæ suæ impetu, ut mira proferre videantur, & efficere, vehementiores sunt illis animi motus, non ideo feliciores, levissimi eorum somni, quos tumultus, quos rixæ, incendia, animæ commotissimæ indicia comitantur; Melancholicorum quærelæ nos non morabuntur, nec obstat effectum philosophi asserentis, eos acri præditos ingenio, temperies illorum frigida, sicca, omnibus animæ muniis feliciter obeundis penitus adversatur, non melancholicus humor ingeniosus facit, sed ingenium melancholicos, crassitie suæ mentis actionibus officit, spiritus infuscat, animum terrore complet, ingenium hebetat, diffusum per habitum corporis, oculos inscit fusco colore, linguam acerbis sapore infestat, & cæteros sensus contaminat, quod si sanguini permixtus sit, à temperie sua recedens, & temperator factus, laudandos satis in animo motus excitat: Omnem intemperiem superat pituita, sensibus quibuslibet exercendis inepta, torpida mens, ingenium tardum, obusum, ad somnum magna propensio, sensuum hebetudo, hæc pituitosum denotant.

TEMPERAMENTORUM varietati, non parum conferunt parentes, gaudeant hi, quorum genitores, natale solum, alimenta, optima suæ temperiei multa contulere, qui viret in foliis venit & radicibus humor, sic patrum in natos abeunt cum semine mores, morbi, temperies, qui temperatis subijciuntur regionibus, multis fruuntur bonis naturæ nostræ commodis, aeris clementia, soli bonitate, siderum affluxu benigno, & ea est corporum eorum temperies, ut vix credere sit illos felicius, & diutius vitam producturos, iis heroica ingenia, iis sensus omnes vigent, ita ut ullo vix superari possint. Asianos laudat Hippocrates, ut in medio excessus omnis positos, & temperatissimos, quos non hebetes sed *ἡρόεις & διαπρηνέες* asserit, qui consuetudine magis quam naturæ vitio molles evadant & effeminati: feliciter ille natus est, cui castigatore corporis formâ vividus efflorescit color, cui viscera benè disposita, partibus cibum temperaturæ suæ accommodatorem præbent, multis spiritibus perfusum; qui, quò puriores, quò tenuiores sunt quales in sanguineis, quòd sint animæ in exercendis suis actionibus ministri, anima felicius operatur, & acutius.

Ergo sanguineus, sensus acutiores.

DOMINI DOCTORES DISPUTATURI.

M. Robertus Raoul.
M. Mathæus Thubillier.
M. Ioannes-Baptista Ferrand.

M. Carolus Marteau.
M. Antonius le Moine.
M. Guydo Crescentinus Fagen, Regine Francorum & Serenissime Delpine Principis, Medicus primarius.

M. Petrus Pourret, Vnici Fratris Regis, Medicus ordinarius.
M. Antonius de Caën.
M. Franciscus Pijart.

Proponcbat Parisiis JOANNES DUMESNIL, Andegavensis Baccalaureus Medicus. A. R. S. H. 1681.

